

¡BOMBA!

La paz, sueño de abrazo,
en la esperanza de miles;
en cambio llueven misiles
con fuerte tufo a sargazo



K'uintsil

Lunes 14 de julio de 2025

CAMPECHE · YUCATÁN · QUINTANA ROO · AÑO 11 · NÚMERO 2519 · www.lajornadamaya.mx



Noj ba'al úuchik u táakbesa'al Ruta Wixárika ichil u tsoolts'íibil k'a'anan kúuchilo'ob chíimpol'ta'an tumen Unesco

Ángel Vargas / p 19 tak 21
Oochel Arturo Campos

Bej k'ajóolta'an beey Ruta Wixárika yóok'olal kil'ich bejo'ob ku k'uchulo'ob Wirikutae', táakbesa'ab Tatehuari Huajuyé ichil u tsoolil ba'ax chíimpol'ta'an beey patrimonio mundial, ku jóok'sa'al tumen Organización de Naciones Unidas para la Educación, la Cultura y la Ciencia (Unesco, yóok'olal bix u k'abaa' ich inglés).

Le je'elo' jets'a'ab ikil táan u 47 sesiónil u Comitéil Patrimonio Mundial meyajta'ab tu lu'umil

París, Francia, káaj le 6 ti' julioa' yéetel yaan u ts'o'okol tu k'iinil 16.

Noj ba'al ti'al u lu'umil México tumen ku tooch'tik u kuxtal máasewal kaajo'ob yéetel ku chíimpoltik ba'ax suuk u beeta'al te'el kaajo'obo' tumen beey xan u kaláanta'al yóok'ol kaab, a'alab tumen Unesco ti' k'a'aytajil tsikbal.

Máax chíikbesik México tu táan le mola'ayo' tu yokso'ob u ju'unil ti'al ka éejenta'ak u táakbesa'al le bejo'; jumpuul úuchik u k'a'amal

yéetel mixba'al utskiinsa'ab wa k'aata'ab ka k'e'exek.

Ba'ale', comitée' tu ch'a'achibtaj ti' Consejo Internacional de Sitios y Monumentos (Icomos, yóok'olal bix u k'aaba' ich inglés) yaan ba'alo'ob ts'o'ok u yila'al sajbe'entsil yanik te'el kil'ich bejo', je'el bix le ku k'aaba'inta'al turismo espiritual no regulado, u jach táaj k'a'abéetkunsal peyote yéetel u ts'a'abal lu'um tu k'ab mineras, le beetik k'aata'abe' ka

yanak u kaláanta'al, beyxan u yantal uláak' kaambalo'ob yéetel a'almajt'aano'ob u ti'al.

Te'el ju'un k'u'ubo', jach chíikbesa'ab u bejil Tatehuari Huajuyé (U beejil ktaata K'áak' ich wixárika t'aane') lela' jump'éeel ti' u maas jach k'a'anan precolombino bejo'ob láayli' u k'a'abéetkunsal tu lu'umil América.

Beyxan a'alabe', u chíikul wixárika kaaj láayli' kuxa'an, tu'ux ku núupul u kuxtal lu'um yéetel miatsil.